

漢書食貨志
補邦計彙編志
宋書食貨志



世宗憲皇帝

聖訓

卷一

一

二

三

四

五



補宋書食貨志

郝懿行撰

中華書局

叢書集成初編所選粵雅堂叢
書及史學叢書皆收有此書史
學本校勘精審又多伍紹棠一
跋故據以影印

補宋書食貨志

先是山湖川澤皆爲豪彊所專小民薪採漁釣皆責稅直至是

禁斷之

武帝本紀中

改晉元熙二年爲永初元年賜民爵二級鰥寡孤獨不能自存

者人穀五斛逋租宿債勿復收

武帝本紀下

夏六月戊寅詔曰百官事殷俸薄祿不代耕雖國儲未豐要令

公私用濟諸供納昔減半者可悉復舊六軍見祿粗可不在此

例其餘官寮或自本俸素少者亦疇量增之

武帝本紀下

運舟材及運船不復下諸郡輸出悉委都水別量臺府所須皆

別遣主帥與民和市卽時禪直不復責租民求辨又停廢虜車

牛不得以官威假借又以市稅繁苦優量減降

武帝本紀下

二年春正月丙寅斷金銀塗己卯禁喪事用銅釘

武帝本紀下

三年春二月己未時秦隴流戶悉南入梁州庚申送綜絹萬匹

荆離州運米委州刺史隨宜賦給

武帝本紀下

元嘉七年冬十月戊午立錢署鑄四銖錢

文帝本紀

八年夏六月庚子詔曰自頃農桑惰業遊食者眾荒萊不闢督

課無間一時水旱便有罄匱不深存務本豐給靡因郡守賦政

方畿縣宰親民之主宜思獎訓導以良規咸使肆力地無遺利

耕蠶樹藝各盡其力若有力田殊眾歲竟條名列上

文帝本紀

十二年夏六月丹陽淮南吳興義興大水京邑乘船已酉以徐

豫南兗三州會稽宣城二郡米數百萬斛賜五郡遭水民是月

斷酒八月乙亥原遭水郡諸逋負

文帝本紀

十七年冬十一月丁亥詔曰前所給揚南徐二州百姓田糧種子充兩豫青徐諸州比年所寬租穀應督入者悉除半今半有不收處都原之凡諸逋債優量申減又州郡估稅所在市調多有煩刻山澤之利猶或禁斷役召之品遂及稚弱諸如此比傷治害民自今咸依法令務盡優允如有不便卽依事別言不得苟趣一時以乖隱卹之旨主者明加宣下稱朕意焉

文帝本紀

二十年冬十二月壬午詔曰國以民爲本民以食爲天故一夫輟稼饑者必及倉廩旣實禮節以興自頃在所貧罄家無宿積賦役暫偏則人懷愁墊歲或不稔而病乏比室誠由政德弗孚以臻斯弊抑亦耕桑未廣地利多遺宰守微化導之方萌庶忘勤分之義永言弘濟明發載懷雖制令亟下終莫懲勸而坐望

滋殖庸可致乎有司其班官舊條務盡敦課遊食之徒咸令附業考覈勤惰行其誅賞觀察能殿嚴加黜陟古者躬耕帝籍敬供粢盛仰瞻前王思遵令典便可量處千畝考卜元辰朕當親率百辟致禮郊甸庶幾誠素將被斯民

文帝本紀

是歲諸州郡水旱傷稼民大饑遣使開倉賑卹給賜糧種

文帝本紀

二十一年春正月己亥南徐南豫州揚州之浙江西並禁酒大赦天下諸逋債在十九年以前一切原除去歲失收者疇量申減九弊之處遣使就郡縣隨宜賑卹凡欲附農而種糧匱乏者並加給貸營千畝諸統司役人賜布各有差

文帝本紀

夏六月連雨水丁亥詔曰霖雨彌日水潦爲患百姓積儉易致乏匱二縣官長及營署部司各隨統檢實給其柴米必使周悉

文帝
本紀

秋七月乙巳詔曰比年穀稼傷損淫亢成災亦由播殖之宜尚有未盡南徐兗豫及揚州浙江西屬郡自今悉督種麥以助缺乏速運彭城下邳郡見種委刺史貨給徐豫土多稻田而民間專務陸作可符二鎮履行舊陂相率修立并課墾闢使及來年凡諸州郡皆令盡勤地利勸導播殖蠶桑麻紵各盡其方不得但奉行公文而已

文帝
本紀

二十二年秋九月乙未開酒禁

文帝
本紀

冬十月起湖熟廢田千頃

文帝
本紀

三十三年大有年

文帝
本紀

夏六月以貨貴制大錢一當兩

文帝
本紀

秋七月乙卯以隸邑所獲金銀寶物班賚各有差

文帝本紀

二十五年春正月戊辰詔曰比者冰雪經旬薪粒貴踊貧弊之

室多有窘罄可檢行京邑二縣及營署賜以柴米

文帝本紀

夏五月己卯罷大錢當兩

文帝本紀

二十七年春二月以軍興減百官俸三分之一三月乙丑淮南

太守諸葛闡求減俸祿同內百官於是州及郡縣丞尉竝悉同

減戊寅罷國子學

文帝本紀

二十九年春正月甲午詔曰經寇六州居業未能仍值災勞饑

困薦臻可速符諸鎮優量救卹今農事行興務盡地利若須田

種隨宜給之

文帝本紀

夏五月京邑雨水六月己酉遣部司巡行賜樵米給船

文帝本紀

秋七月丁酉省大司農

文帝本紀

秋七月辛酉詔曰百姓勞弊徭賦尚繁言念未乂宜崇約損凡用非軍國宜悉停功可省細作并尚方雕文靡巧金銀塗飾事不關實嚴爲之禁供御服膳減除遊侈水陸捕採各順時月官私交市務令優衷其江海田池公家規固者詳所開弛貴戚競利悉皆禁絕

孝武帝本紀

孝建元年春正月壬戌更鑄四銖錢

孝武帝本紀

二年秋八月三吳民饑癸酉詔所在賑貸丙子詔曰諸苑禁制絲遠有妨肆業可詳所開弛假與貧民

孝武帝本紀

三年春二月壬午内外官有田在近道聽遣所給吏僮附業

孝武帝

帝本紀

大明元年二月己亥復親民職公田

孝武帝本紀

二年春正月壬子詔曰去歲東土多經水災春務已及宜加優

課糧種所須以時貸給丙辰復郡縣田秩并九親祿俸

孝武帝本紀

四年春正月辛未車駕祠南郊乙亥車駕躬耕籍田大赦天下

尚方徒繫及逋租宿債大明元年以前一皆原除力田之民隨

才敘用孝弟義順賜爵一級孤老貧疾人穀十斛籍田職司優

沾普資百姓之糧種隨宜貸給吏宣勸有章者詳加褒進

孝武帝本紀

紀

三月甲申皇后親桑於西郊

孝武帝本紀

夏四月丙午詔曰昔紂衣御寓貶甘示節土簋臨天飾儉昭度

朕綿帛之念無忘于懷雖深詔有司省游務實而歲用兼積年

量虛廣豈以捐豐從損允稱約心四時供限可詳減太半庶養

絲順典有偃民華纂組傷工無競壙市

孝武帝本紀

冬十月壬辰制郡縣減祿竝先充公限十一月丙戌復置大司

農官

孝武帝本紀

五年夏五月癸亥制帝室期親朝官非祿官者月給錢十萬

孝武帝本紀

紀

秋七月丙辰詔曰雨水猥降街衢泛溢可遣使巡行窮弊之家

賜以薪粟

孝武帝本紀

八月庚寅制方鎮所假白板郡縣年限依臺除會祿三分之一

不給送

孝武帝本紀

冬十二月甲戌制天下民戶歲輸布四匹

孝武帝本紀

六年春二月乙卯復百官祿

孝武帝本紀

七年秋七月丙申詔曰前詔江海田池與民共利歷歲未久浸

以弛替名山大川往往占固有司嚴加檢糾申明舊制

孝武帝本紀

九月己卯詔曰近災精亢序苗稼多傷今二麥未晚甘澤頻降

可下東境郡勤課墾殖尤弊之家量貸麥種

孝武帝本紀

冬十一月壬寅遣使開倉貸郵聽受雜物當租

孝武帝本紀

十二月丙午行幸歷陽甲寅大赦天下歷陽郡女子百戶牛酒

高年孤疾賜帛十匹蠲郡租十年

孝武帝本紀

八年春正月甲戌詔曰東境去歲不稔宜廣商貨遠近販鬻米

者可停道中雜稅其以仗自防悉勿禁

孝武帝本紀

二月壬寅詔曰去歲東境偏旱田畝失收使命來者多至乏絕

或下窮流穴頓伏街巷朕甚憫之可出倉米付建康秣陵二縣

隨宜贍卹若溫拯不時以至捐棄者嚴加糾劾

孝武帝本紀

夏閏五月庚申世祖崩其日太子卽皇帝位大赦天下六月辛未詔云云可具詢執事詳訪民隱凡曲令密文繁而作治關市徼稅事施一時而姦吏舞文妄興威福加以氣緯舛玄偏頗滋甚宜其寬徭輕憲以救民切御府諸署事不須廣雕文篆刻無施於今悉宜并省以酬氓願藩王質貨壹皆禁斷外便具條以聞去歲及是歲東諸郡大旱甚者米一升數百京邑亦至百餘餓死者十有六七孝建以來又立錢署鑄錢百姓因此盜鑄錢轉僞小商貨不行

前廢帝本紀

永光元年春二月丁丑減州郡縣田租之半庚寅鑄二銖錢

紀本

景和元年秋九月戊午開百姓鑄錢

前廢帝本紀

泰始二年春三月壬子斷新錢專用古錢

明帝本紀

冬十一月丙申制使東土經荒流散竝各還本蠲眾調二年

明帝

紀本

三年春正月庚子以農役將興太官停宰牛

明帝本紀

秋八月丁酉詔曰古者衡虞置制蝻蝼不收川澤產育登器進

御所以繁阜民財養遂生德頃商販逐末競早爭新折未實之

果收豪家之利籠非膳之翼爲戲童之資豈所以還風尚本捐

華務實宜修道布仁以革斯蠹自今鱗介羽毛肴覈眾品非時

月可採器味所須可一皆禁斷嚴爲科制

明帝本紀

九月戊午以皇后六宮以下雜衣千領金釵千枚班賜北征將

士

明帝本紀

冬十月辛丑復郡縣公田

明帝本紀

四年夏四月己卯復減郡縣田租之半

明帝本紀

五年夏六月癸酉以軍興已來百官斷俸竝給生食

明帝本紀

泰豫元年春正月甲寅朔上有疾不朝會以疾患未痊故改元

賜孤老貧疾粟帛各有差

明帝本紀

泰始泰豫之制時經略淮泗軍旅不息荒弊積久府藏空竭內

外百官竝日料祿奉而上奢費過度務爲彫侈每所造制必爲

正御三十副御次副又各三十須一物輒造九十枚天下騷然

民不堪命

明帝本紀